

"Түзеу мекемелерінің ішкі тәртіп ережелерін" бекіту және қолданысқа енгізу туралы

Күшін жойған

Қазақстан Республикасының Ішкі істер Министрінің 2000 жылғы 6 қыркүйектегі N 476 бұйрығы. Қазақстан Республикасы Әділет министрлігінде 5.10.2000 жылы тіркелді. Тіркеу N 1250. Күші жойылды - ҚР Ішкі істер Министрінің 2004 жылғы 15 шілдедегі N 417 бұйрығымен.

Ескерту. Бұйрықтың күші жойылды - ҚР Ішкі істер министрінің 15.07.2004 № 417 бұйрығымен.

Пайдаланушылардың назарына!

Түзеу мекемелерінің Ережелерін бекіту туралы ҚР Әділет министрінің 2001 жылғы 11 желтоқсандағы N 148 бұйрығын қараңыз. V011720_ _____

Қазақстан Республикасы Қылмыстық-атқару кодексінің Z970208_ 77-бабындағы 3-тармақты іске асыру мақсатында

Б Ұ Й Ы Р А М Ы Н :

1. "Түзеу мекемелерінің ішкі тәртіп ережелері" бекітілсін және қолданысқа енгізілсін. (қоса беріліп отыр).

2. Қазақстан Республикасының Ішкі істері Қылмыстық-атқару жүйесі комитеті, облыстардағы ішкі істер бас басқармаларының (басқармаларының), қылмыстық-атқару жүйесі басқармалары мен бөлімдерінің, түзеу мекемелерінің бастықтары, Ішкі істер министрлігі ішкі әскерлерінің түзеу мекемелерін күзету және айдап алып жүру жөніндегі құрамалары мен бөлімдерінің командирлері:

1) Қылмыстық жазаны атқару жөніндегі жұмыстарға қатысы бар Ішкі істер, ПББ, ПБ, түзеу мекемелері мен әскери бөлімдері жеке құрамының "Түзеу мекемелерінің ішкі тәртіп ережелерін" оқып-үйренуін және оларды іс жүзінде қатаң басшылыққа алуын қамтамасыз етсін;

2) "Түзеу мекемелерінің ішкі тәртіп ережелеріне" қосымшаларда қарастырылған құжаттардың бланкілерін қажетті мөлшерде шығаруды қамтамасыз етсін.

3. Осы бұйрықтың орындалуын бақылау ішкі істер Вице-министрі ішкі қызмет генерал-майоры Н.А. Власовқа жүктелсін.

4. Осы бұйрық Қазақстан Республикасының Әділет министрлігінде

мемлекеттік тіркеуден өткен күнінен бастап күшіне енеді.

Қазақстан Республикасының
Ішкі істер министрі -
Ішкі әскерлер қолбасшысы
генерал-лейтенант

"Келісілген"

Қазақстан Республикасының
Бас прокуратурасы

"Келісілген"

Қазақстан Республикасының
Денсаулық сақтау ісі

жөніндегі агенттігі

2000 ж. 24.08.

2000 ж. 23. 08.

Түзеу мекемелерінің
ішкі тәртібінің
Ережелері

Қазақстан Республикасының
Ішкі істер министрлігінің
2000 жылғы 6 қыркүйек

№ 476 бұйрығына қосымша

Түзеу мекемелерінің ішкі тәртіп
Е Р Е Ж Е Л Е Р І

1-ТАРАУ. ЖАЛПЫ ЕРЕЖЕЛЕР

1. Түзеу мекемелеріндегі ішкі тәртіп Ережелерінің міндеттері

1. Түзеу мекемелеріндегі ішкі тәртіптің осы Ережелері (бұдан әрі - Ереже) Қазақстан Республикасы Қылмыстық-атқару кодексінің негізінде бас бостандығынан айыру түріндегі жазаны атқару және өтеудің заңмен қарастырылған тәртіптері мен шарттарын іске асыру үшін, сотталғандардың заңды мүдделерін, құқықтарын қорғау үшін неғұрлым қолайлы жағдай тудыру мақсатында мекемелер қызметінің тиісті мәселелерін реттейді және нақтылайды.

2. Ережелер түзеу мекемелерінің (бұдан әрі - ТМ) қызметшілері, онда ұсталынушы сотталғандар, сондай-ақ осы мекемеге келетін басқа да адамдар үшін міндетті. Ережені бұзған адам белгіленген тәртіппен жауапқа тартылады.

2-ТАРАУ. СОТТАЛҒАНДАРДЫ ТҮЗЕУ МЕКЕМЕЛЕРІНЕ ҚАБЫЛДАУ ТӘРТІБІ

1. Сотталғандарды түзеу мекемелеріне қабылдау

3. Сотталғандарды ТМ-не қабылдауды колония бастығының кезекші көмекшісі (түрмеде-түрме бастығының кезекші көмекшісі, мекеменің арнайы бөлім қызметкері және медициналық бөлім қызметкері жүзеге асырады. Жұмыс уақытынан тыс уақытта келген сотталғандардың шағын тобын колония бастығының кезекші көмекшісі, түрме және тәрбие колониясы бастықтарының кезекші көмекшілері жүзеге асырады.

4. Сотталғандарды ТМ-не қабылдау кезінде мекеме қызметкерлері жеке істерінің түгелдігін тексереді және олардың келген сотталғандардікі екенін анықтайды, жеке істердегі қажетті құжаттардың түгелдігін тексереді, медициналық қызметкер сотталғандарда дене жарақатының бар-жоғын анықтау мақсатында олардың денесін сырттай қарап шығады.

5. ТМ-не келген сотталғандардың мәліметтері нақтыланған соң, олар толық тінтуден, оларға тиісті заттар қараудан өтеді. Бас бостандығынан айыру жазасына сотталғандардың пайдалануына және оларға сатуға тыйым салынған, сондай-ақ сотталғандарға өздерімен алып жүруге, посылкамен, сәлемдемемен алуға және ТМ-нің дүкенінен алуға рұқсат етілген заттар мен бұйымдар Тізімінде қарастырылмаған заттар, бұйымдар, құжаттар және тамақ өнімдері (1-қосымша)/1 белгіленген тәртіппен алып қойылады, сақтау үшін тапсырылады немесе сот шешімі бойынша жойылады.

6. Сотталғандар бір тәулік ішінде медициналық куәландырудан және медициналық көрсеткіштері бойынша толық санитарлық тазартудан өтеді және карантин бөлімшесіне орналастырылады, онда оларға 15 тәулікке дейін медициналық бақылау белгіленеді. Осы мерзім ішінде жұқпалы ауру анықталған жағдайда, олар дереу оқшауландырылады және мекемеде эпидемияға қарсы кешенді шаралар жүргізіледі.

7. Карантиндік үй-жайда жатқан кезде сотталғандар Қазақстан Республикасының заңдарында және осы Ережеде белгіленген жаза өтеу тәртіптерімен және шарттарымен, өздерінің құқықтарымен және міндеттерімен танысып, жаза өтеу режимін бұзғаны үшін қолданылатын жауапкершілік туралы ескертіледі. Оларға ТМ-де қадағалау және бақылау (оқшаулау) техникалық құралдары, ал қажет болған жағдайда заңдарда қарастырылған күш, арнаулы құралдар, қару және арнаулы бөлімшелер қолданылатыны түсіндіріледі.

8. Сотталғандарды отрядтарға, бөлімшелерге, камераларға бөлу туралы шешімді олардың жеке бастарының ерекшеліктерін, еңбекке тартылуын, жалпы

және кәсіптік білім беру жүйесінде оқытуды ескере отырып, ТМ бастығы жетекшілік ететін түзеу мекемесінің комиссиясы қабылдайды. Комиссия құрамына түзеу мекемесі бастығының орынбасарлары, күзет, жедел, режимді, тәрбие, арнайы, медициналық, психологиялық, өндірістік және басқа да қызметтердің өкілдері енеді. Тәрбие колонияларында комиссия құрамына бұдан басқа жалпы білім беретін мектептердің, өндірістік-техникалық училищелердің қызметкерлері кіреді. Комиссия шешімі мекеме бастығының бұйрығымен р е с і м д е л е д і .

9. Сотталғандар түзеу мекемесіне келген соң 10 тәуліктен кешіктірмей, өзінің қалауы бойынша туысқандарының біріне мекеменің пошталық мекен-жайы, сотталғандардың посылкалар, сәлемдемелер және бандерольдер арқылы алуына рұқсат етілетін тамақ өнімдері мен бірінші кезекте қажетті заттардың тізбесі, хат жазысу, ақша алу мен жіберу, сыртқа шығу, кездесу тәртіптерінің негізгі талаптары, сотталғанның телефонмен сөйлесу құқығы көрсетілген хабарлама жіберіледі.

3-ТАРАУ. ТҮЗЕУ МЕКЕМЕЛЕРІНДЕ ЖАЗАСЫН ӨТЕУШІ СОТТАЛҒАНДАРДЫҢ ҚҰҚЫҚТЫҚ ЖАҒДАЙЛАРЫ

1. Сотталғандардың түзеу мекемелеріндегі
жүріс-тұрыстарының негізгі ережелері

10. Сотталғандар:

1) белгіленген жүріс-тұрыс тәртібін бұзбай, күн тәртібінде қарастырылған жеке уақытын пайдалануға;

2) өздерінің құқықтары мен міндеттері туралы, сот тағайындаған жаза түрін өтеудің шарттары мен тәртіптері туралы түзеу мекемелерінің әкімшілігінен а қ п а р а т а л у ғ а ;

3) мекеменің немесе жазалауды орындаушы органның әкімшілігіне, жазалауды орындаушы органдар мен мекемелерден жоғары тұрған басқару органдарына, сотқа, прокуратура органдарына, өзге де мемлекеттік органдарға, қоғамдық бірлестіктерге, сондай-ақ адам құқығы мен бостандығын қорғау жөніндегі халықаралық ұйымдарға ауызша және жазбаша ұсыныстар, өтініштер беруге және шағым жасауға ;

4) өз ана тілінде немесе өзі білетін кез-келген басқа тілде түсінік беруге және хат-хабар алысуға, қажет болған жағдайда аудармашының қызметін пайдалануға. Сотталғандарға жауап өтініш жасаған тілінде қайтарылады. Өтініш жасаған тілде жауап қайтаруға мүмкіндік болмаған жағдайда жауап Қазақстан

Республикасының мемлекеттік тілінде немесе ресми түрде қолданылатын орыс тілінде беріледі;

- 5) қорғаушылардың, сондай-ақ осындай көмек көрсетуге уәкілетті басқа адамдардың заң көмегін пайдалануға;
- 6) Тізбеде (2-қосымша) көрсетілген тамақ өнімдерін, заттар мен бұйымдарды алу және сақтауға;
- 7) мәдени-бұқаралық және спорттық шараларға қатысу, кітапхана стол ойындарын, музыкалық аспаптарды пайдалануға;
- 8) сотталғандардың өз күшімен жұмыс істейтін ұйымдарына және қоғамдық қорларына өз еркімен кіруге;
- 9) Қазақстан Республикасының заңдарына сәйкес әлеуметтік қамсыздандырылуға, зейнетақы алуға;
- 10) денсаулығын сақтау үшін қажетті материалдық-тұрмыстық және медициналық-санитарлық қамсыздандырылуға;
- 11) мекеме қызметкерлері тарапынан сыпайы қарым-қатынасқа ие болуға қ ұ қ ы л ы ;

12) қамауға алу, бас бостандығын шектеу және бас бостандығынан айыру жазаларына сотталған шетелдіктер өз мемлекеттерінің дипломатиялық өкілдіктерімен және консулдық мекемелерімен, ал Қазақстан Республикасында дипломатиялық және консулдық мекемелері жоқ елдің азаматтары олардың мүддесін қорғауды өзіне алған мемлекеттің дипломатиялық өкілдігімен немесе оларды қорғаумен айналысатын халықаралық ұйымдармен байланыс құқығы бар;

13) сотталғандарға ар-ождан бостандығы мен діни наным бостандығына кепілдік беріледі. Діни салттарды орындау ерікті болып табылады. Ол ішкі тәртіпті бұзбауы, сондай-ақ жаза өтеп жүрген басқа адамдардың құқығына қ ы с ы м ж а с а м а у ы к е р е к .

11. Сотталғандар:

- 1) ТМ-да орнатылған күн тәртібі мен жүріс-тұрыс ережелерін қатаң сақтауға;
- 2) түзеу мекемесінің мүлкіне және мүліктердің басқа түріне ұқыпты қарауға;
- 3) еңбекке және оқуға адал ниетпен қарауға;
- 4) өзара және ТМ қызметкерлерімен, өзге адамдармен қарым-қатынаста сыпайы болуға, олардың заңды талаптарын мүлтіксіз орындауға;
- 5) тұратын жерін және қызметтік үй-жайды, жұмыс орнын, киімін таза ұстауға, төсек-орнын белгіленген үлгі бойынша жинауға, жеке бас гигиенасы ережелерін сақтауға, шашын қысқа алдыруға, тамақ өнімдерін және жеке пайдаланатын заттарды арнайы жабдықталған орындар мен үй-жайларда

с а қ т а у ғ а ;

6) түзеу мекемесінің аймағында тек саппен қозғалуға;

7) түзеу мекемесін және оның аумағына жататын жерлерді көріктендіру жөніндегі, сондай-ақ сотталғандардың мәдени-тұрмыстық жағдайларын жақсарту жөніндегі жұмыстарды орындауға;

8) колония-қоныстарда және тәрбие колонияларында ұсталушылардан басқалары, сондай-ақ жаза өтеудің әбден жеңілдетілген жағдайына ауыстырылған сотталғандардан басқалары киімге белгіленген үлгідегі төс және қол белгілерін (3-қосымша) тағып жүруге;

9) түрмелерде, камералық үлгідегі үй-жайларда серуенге шығу және серуен кезінде белгіленген мінез-құлық ережелерін сақтауға, камерада кезек бойынша кезекшілік атқаруға;

10) түзеу мекемелерінің қызметкерлерімен және түзеу мекемелеріне келетін басқа лауазымды қызметкерлермен кездескен кезде, орнынан тұруға және олармен сәлемдесуге міндетті;

11) сотталғандардың меншігіндегі музыкалық аспаптар сақтау үшін қоймаға тапсырылады немесе клубқа беріледі. Оларды пайдалануға күн тәртібінде белгіленген уақытта арнайы бөлінген үй-жайларда рұқсат етіледі.

12. Сотталғандардың:

1) күзет объектісінің желісін немесе түзеу мекемесінің шекарасын бұзуына;

2) әкімшіліктің рұқсатынсыз тұрғын және өндірістік аймақтың оқшауланған учаскесінің шегінен шығуына;

3) әкімшіліктің рұқсатынсыз өздері тұрмайтын жатақханаларда немесе өздері жұмыс істемейтін өндірістік объектілерде болуына;

4) тізбеде (1-қосымша) көрсетілген заттарды, бұйымдарды алуына, дайындауына, пайдалануына және сақтауына;

5) арнайы бөлінбеген орындарда темекі шегуіне;

6) жеке пайдалануындағы тамақ өнімдерін, заттарды, бұйымдар мен нәрселерді басқа сотталғандардың пайдасына сатуына немесе өзге де әдіспен шеттетуіне;

7) материалдық және өзге де пайда табу мақсатымен карта және басқа да ойындар ойнауына;

8) өзіне немесе басқа адамдарға татуировка салуына;

9) балағат сөздер айтуына, тілдеуіне немесе жаргон сөздерді пайдалануына, лақап ат беруіне және иемденуіне;

10) осы Ережелермен бекітілген тәртіпке қарамастан хат-хабар жіберуіне және алуына;

11) әкімшіліктің рұқсатынсыз жануарлар мен құстарды ұстауына, бау-бақшамен айналысуына, декоративті балықтарды, бөлме өсімдіктерін

өсіруіне (тәрбие колонияларында тірі табиғат бұрыштары ұйымдастырылуы м ү м к і н) ;

12) қабырғаларға, тумбаларға және кереуеттерге фотографиялар, репродукциялар, құттықтау хаттар, газет және журнал қиындыларын ілуіне;

13) әкімшіліктің рұқсатынсыз ұйықтайтын орнын бүркемелеуіне және ауыстыруына, сондай-ақ өндірістік, коммуналдық-тұрмыстық және басқа да қызметтік және қосалқы үй-жайларда ұйықтайтын орын жабдықтауына;

14) түзеу мекемесінің өндіріс және басқа да объектілерінде өз бетімен әртүрлі құрылыстар салуына, шкафтар, сейфтер және т.б. орналастыруына;

15) әкімшіліктің рұқсатынсыз қайрау құралдарын, аспаптарын, электроэнергиясын, өндіріс қажеттілігіне арналмаған механизмдер мен материалдарды пайдалануына;

16) қарастырылмаған орындарда тамақ әзірлеуіне және тамақтануына;

17) күн тәртібін бұзуына, дене мүшелеріне зақым келтіруіне, сондай-ақ басқаларды осындай іс-әрекеттерге итермелеуіне және басқалардың оны орындауға көмектесуіне;

18) алкогольді, сондай-ақ есірткі және еліртетін заттарды пайдалануына;

19) ғимараттардың, цехтардың, құрылыстардың төбесіне шығуына, ішкі тыйым салынған аймақтағы қоршауға жақындауына;

20) әкімшіліктің рұқсатынсыз жұмыс орнын, жатақхананы және бұқаралық іс-шаралар өткізіліп жатқан үй-жайларды тастап кетуіне тыйым салынады.

2. Сотталғандардың түзеу колония-қоныстардағы және колониядан тыс тұратын сотталған әйелдердің жүріс-тұрыс ережелерінің ерекшеліктері

13. Колония-қоныстарда бас бостандығынан айыруға сотталғандар күзетсіз ұсталады, бірақ колония-қоныс әкімшілігінің қадағалауында болады.

14. Сотталғандар :

1) мекеменің ішкі еңбек тәртібінің ережелеріне сәйкес ұйқыға бөлінген уақыттан басқа кезде колония-қоныстың шегінде еркін қозғала алады;

2) колония-қоныс әкімшілігінің рұқсатымен колония-қоныстан тыс, бірақ тиісті әкімшілік-аумақтық құрылым шегінде, егер олардың атқаратын жұмыстарының сипатына қарай немесе оқуына байланысты қажет болса қадағалаусыз жүріп-тұра алады;

3) азаматтық киім киіп жүре алады;

4) өзімен бірге ақша және бағалы заттар алып жүреді;

5) ақша пайдалана алады, посылка, сәлемдеме және бандерольдер алады;

6) санына шек қойылмайтын кездесулер ала алады;

7) отбасы бар болса әкімшіліктің рұқсатымен колония-қоныс аумағында немесе одан тыс жерде жалға алған немесе өзінің тұрғын алаңында тұра алады;

8) тиісті әкімшілік-аумақтық құрылымға сай келетін аумақтың шегінде орналасқан жоғары және орта кәсіптік білім беру мекемелерінде сырттай оқи а л а д ы ;

15. Сотталғандардың:

1) колония-қоныс аумағынан өз бетінше кетуге, колониядан тыс жерде тұруға ;

2) колония әкімшілігі анықтаған аумақ шекарасын бұзуға;

3) кез-келген отты және суық қарулар алуға, сондай-ақ транспорт құралдарын алуға, сақтауға және оларды пайдалануға құқығы жоқ.

16. Сотталғандар:

1) Сотталғандар күн сайын, ал отбасымен бірге тұратын сотталғандар айына төрт ретке дейін, күн тәртібінде белгіленген уақытта тіркелу үшін колония-қоныс бастығының кезекші көмекшісіне келуге;

2) отряд бастығының талабы бойынша сотталғандармен жеке тәрбиелік шаралар өткізу үшін келуге;

3) отбасы жоқ болса колония-қоныстың жатақханасында тұруға міндетті.

3. Сотталғандар мен түзеу мекемелері қызметкерлерінің өзара қарым-қатынасы

17. Түзеу мекемелерінің қызметкерлері мен сотталғандардың өзара қарым-қатынасы сотталғандарды түзеу және тәрбиелеу мақсаттарымен анықталады және заңдылықтың қатаң сақталуына негізделеді.

18. Сотталғандар ТМ қызметкерлерімен кездескен кезде оларды "Сіз" деп атай отырып, "азамат", "азаматша" және одан әрі шені немесе лауазымына қарай атауға, ал, тәрбие колонияларында сонымен бірге аты және әкесінің атымен атауға міндетті.

19. Мекеме қызметкерлері сотталғандарды "Сіз" деп, "сотталған", "азамат", "азаматша" деп және тегімен атайды. Тәрбие колонияларында қызметкерлер сотталғандарға "сен", "тәрбиеленуші" дейді, сондай-ақ атымен атай алады.

20. Қызметкерлерге сотталғандармен және олардың туыскандарымен қызмет мүддесіне байланысы жоқ қандай да бір қарым-қатынас жасауға және олардың қызметін пайдалануға тыйым салынады.

4-ТАРАУ. ТҮЗЕУ МЕКЕМЕЛЕРІНДЕГІ КҮН ТӘРТІБІ

1. Күн тәртібі ұғымы

21. Әрбір түзеу мекемесінде сотталғандардың әртүрлі құрамына қарай

жұмыс ерекшеліктері, жыл маусымы, жергілікті жердің жағдайы және басқа да нақты жағдайлар ескеріле отырып, қатаң реттелген күн тәртібі белгіленеді.

22. Күн тәртібіне тұру, тексеру, жату, жуыну, дене шынықтыру, тамақ ішу, жұмысқа бөлу, өндірісте, оқуда, тәрбие және спорттық-бұқаралық шараларда және т.б. болу уақыттары кіреді. Сотталғандардың үзіліссіз сегіз сағаттық ұйқысы және оларға жеке уақыт беру қарастырылады.

23. Үлгі ретінде алынған күн тәртібін (4-қосымша) түзеу мекемесінің бастығы бекітеді және ол қызметкерлерге және сотталғандарға жеткізіледі.

2. Сотталғандарды жұмысқа бөлу

24. Сотталғандар күн тәртібімен белгіленген уақытта отряд, бригада бойынша жұмысқа бөлу үшін бөлінген жерде сапқа тұрғызылады, бұл ретте олардың сырт пішіні тексеріледі.

25. Түзеу мекемелерінің бастықтары еңбек жағдайын ескере отырып сотталғандардың өндіріс объектілеріндегі жүріс-тұрыс тәртібін белгілейді, онда сотталғандардың объектіге саппен келулері, цех (учаске) бастықтарының немесе шеберлердің нұсқаулама өткізулері, жұмыс қорытындысын шығару, жұмыс орнын тапсыру тәртібі және т.б. қарастырылады.

3. Тамақтандыру тәртібі

26. Сотталғандар күн тәртібінде белгіленген сағатта, отряд, бөлімше, бригада бойынша асханада немесе жұмыс объектісіндегі тамақ тарататын үй-жайда тамақтанады. Егер асхана тұрғын және өндірістік аймақ ортасында болса, ауысыммен жұмыс істейтіндерді тамақтандыру асханада, тұрғын аймақтағы адамдарды өндірісте жұмыс істеп жүрген сотталғандардан оқшау ұйымдастырылады.

27. Тәрбие колонияларында таңертеңгі, түскі және кешкі тамақ асханада ұйымдастырылады.

28. Коммуналды-тұрмыстық объектілердің (монша, шаштараз, кір жуу және т.б.) үздіксіз жұмысын қамтамасыз ету мақсатында түзеу мекемелерінің бастықтары осы объектілерде жұмыс істеп жүрген сотталғандарға тиісті отрядтардың, бөлімшелердің, бригадалардың құрамында тамақтануға рұқсат берулері мүмкін.

29. Күзет қамауынан немесе түзеу мекемелері әкімшіліктерінің қадағалауынан босатылған сотталғандар, сондай-ақ еріп жүрусіз немесе айдауылсыз жүріп-тұруға құқығы барлар және колониядан тыс жерде тұратындар тұратын жерінде немесе жұмыс объектісінде тамақтана алады.

30. Камерада ұсталушы сотталғандар камерада немесе өндірісте тамақтанады.

31. Тамақтану кезінде сотталғандардың тиісті тәртіпті сақтауларын қолдау үшін асханада түзеу мекемелері әкімшіліктерінің өкілдері және бақылау құрамы болады.

4. Сотталғандарды жеке қабылдау

32. Түзеу мекемелерінің басшылары, сондай-ақ бөлім және қызмет бастықтары сотталғандарды жеке қабылдауды график бойынша жүзеге асырады. Сотталғандардың көтерген мәселелері және оларды қарау нәтижелері көрсетілген , қабылдауда болған сотталғандардың есебі мекеменің кеңсесінде сақталатын ж у р н а л д а жү р г і з і л е д і .

33. Қылмыстық-атқару жүйесінің жоғары тұрған органдарының қызметкерлері түзеу мекемелеріне келген кезде өздерінің құзырына жататын мәселелер бойынша сотталғандарды қабылдайды. Бұл қызметкерлер қабылдаған сотталғандардың есебі аталған журналдың екінші бөлімінде жүргізіледі.

34. Түзеу мекемелерінің бастықтары немесе олардың уәкілеттілігі берілген адамдар айында кемінде бір рет қабылдау кезінде қабылданған шешімдердің о р ы н д а л у ы н т е к с е р е д і .

5. Сотталғандардың бар-жоғын тексеру

35. Түзеу мекемелеріндегі сотталғандардың бар-жоғын тексеру күн сайын таңертең және кешке күн тәртібінде белгіленген сағатта жүзеге асырылады. Қажет болған жағдайда тәуліктің кез-келген уақытында тексеру жүргізіледі. Осы кезде сотталғандардың сыртқы келбеті қоса тексеріледі.

36. Тексеру белгіленген орында жалпы сапта отряд бойынша әр адамды жеке-жеке санау және топ тізімі бойынша тегімен атау жолымен жүргізіледі. Сапқа тұрудан жұмыстан соң демалып жатқандар, ауруы бойынша (төсек тартып жатқандар) босатылғандар, сондай-ақ жұмыстан босату мүмкін емес жұмыстағы адамдар босатылады. Оларды тексеру келген орындары бойынша жүргізіледі.

37. Жауын-шашынды ауа-райы және төменгі температура кезінде Жылдың суық мезгіліндегі ашық ауада жұмыс істеу туралы ережелерге сәйкес үй-жайлардан тыс жерлердегі жұмыстарға жол берілмейді, тексерулер үй-жайда ө т к і з і л е д і .

38. Таңертеңгі және кешкі тексерулер 40 минуттан аспауы керек. Тексерулерге түзеу мекемелерінің бастықтары, олардың орынбасарлары және қызмет б а с т ы қ т а р ы қ а т ы с а д ы .

39. Колониялардың айыптық және тәртіптік изоляторларындағы, камералық

үлгідегі үй-жайларындағы, түрмелердегі сотталғандардың бар-жоғын тексеру камера бойынша, ал жазасын қатаң жағдайда өтеушілердің, қауіпсіз орындарда ұсталушылардың, айдауылсыз және еріп жүрусіз жүріп-тұру құқығын пайдаланушылардың және түзеу мекемелері әкімшіліктерінің қадағалауына күзет қамауынан және күзеттен босатылғандардың бар-жоғын тексеру тұрғылықты ж е р і н д е жү р г і з і л е д і .

40. Қоныс-колонияларында отбасымен бірге тұратын сотталғандардың бар-жоғын тексеруді күн тәртібінде белгіленген уақытта колония бастығының кезекші көмекшісі және бақылау құрамы жүргізеді.

6. Сотталғандардың колония шегінде жүріп-тұру тәртібі

41. Сотталғандар тобының колониялар (колония-қоныстардан басқа) аумағында жүріс-тұрысы әкімшілік өкілінің ілесуімен сотталғандардың ішіндегі басшы адамның басқаруы арқылы сап бойынша жүзеге асырылады.

42. Жеке уақыттарында сотталғандар оқшауланған учаскелер шегінде, ал түзеу мекемесі аймағының басқа бөлігінде - әкімшілік өкілінің рұқсатымен жүріп-тұра алады. Жатар уақыттан таңертеңгі тұратын уақытқа дейін сотталғандардың тұрғын үй-жай шегінен тыс жерде жүріп-тұруына жол берілмейді.

43. Жазасын қатаң шарттарда өтеуші сотталғандардың құлыпқа жабылатын үй-жайлардан тыс жерлерде жүріп тұруы тек қана әкімшілік өкілдерінің еріп жүруі арқылы жүзеге асырылады.

5-ТАРАУ. СОТТАЛҒАНДАРДЫҢ ТАМАҚ ӨНІМДЕРІН, БІРІНШІ КЕЗЕКТЕ ҚАЖЕТ ЗАТТАРДЫ САТЫП АЛУЫ, ОЛАРДЫ ПОСЫЛКАЛАР, СӘЛЕМДЕМЕЛЕР, БАНДЕРОЛЬДЕР АЛУЫ ЖӘНЕ ҚОСЫМША ҚЫЗМЕТТЕР КӨРСЕТУ

1. Сотталғандардың тамақ өнімдерін, бірінші кезекте қажет заттарды сатып алу және қосымша

қызметтер көрсету тәртібі

44. Түзеу мекемелерінде сотталғандарға тамақ өнімдерін, бірінші кезекте қажет заттарды сату үшін демалыс және мереке күндерін қоспағанда күн сайын жұмыс істейтін дүкендер ұйымдастырылады. Сотталғандар бұл дүкендерде күн тәртібімен бөлінген уақытта, кезекке тұруды (топ және бригада бойынша) ескере отырып қолма-қол төлемсіз сауда жасай алады.

45. Камералық үлгідегі үй-жайларда және жалғыз адамдық камераларда, қауіпсіз орындарда және тәрбие колонияларының оқшауланған тұрғын үй-жайларында ұсталушы сотталғандар, күзет қамауынан түзеу мекемесі

әкімшілігінің қадағалауына босатылғандар, сондай-ақ айдаусыз, еріп жүрусіз жүріп-тұру құқығын пайдаланатын және ТМ-нің шегінен тыс жерде тұратын сотталғандардың өтініші бойынша тамақ өнімдерін, бірінші кезекте қажет заттарды түзеу мекемесінің қызметкері (топ бастығы немесе оның орнындағы адам) сатып ала алады. Мұндай мақсатпен тамақ өнімдерін, бірінші кезекте қажет заттарды сатып алуға құқығы бар әрбір сотталған адамға өтініш бланкасы беріледі, ол толтырылған соң әкімшілікке тапсырылады. Сауда жасаушы қызметкер алдын ала қаржы бөлімінен не болмаса бухгалтериядан сотталғанның жеке есеп шотында ақшасының бар-жоғын тексеріп алады. Сатып алынған товарды өтінішке қол қойғызып, сотталғанға береді.

46. Камералық үлгідегі үй-жайда және жалғыз адамдық камерада ұсталынушылар үшін тамақ өнімдерін, бірінші кезекте қажет заттарды сатып алу жеке шоттарда ақшалай қаражат болған жағдайда ай сайын жүргізіледі.

47. Жазаларын түзеу және тәрбие колонияларының жеңілдетілген жағдайында өтеп жатқан сотталғандар және осы мекеменің шегінен тыс жерде күзетсіз, бірақ әкімшіліктің қадағалауында тұрып жатқандар тамақ өнімдерін, бірінші кезекте қажет заттарды қолма-қол ақыға өз бетінше де және сондай-ақ, оларды түзеу мекемелерінің дүкендерінен қолма қол төлемсіз де сатып ала алады

48. Сотталғандар бұдан басқа өздерінің қалаулары бойынша өз қаражаттарына түзеу мекемесінің қоныс аударған ауданына орналасқан коммуналды-тұрмыстық қызмет кәсіпорындарының қызметін пайдалана алады.

49. Мұндай қызметтерге: азаматтық үлгідегі киімдер және аяқ киімдер тігу, оларды жөндеу, киім тазалау, сотталғандарда бар тұрмыстық техникаларды жөндеу, фото-бейне түсіру (әкімшіліктің бақылауымен жүргізіледі), шаштараз қызметі, сот құжаттарын, сотталғандардың жеке істеріндегі өзге де құжаттардың көшірмесін жасау, нотариальдық қызмет, аудармашы қызметі жатады. Сотталғандар сырттай оқуға ақша төлей алады.

50. Түзеу мекемелері әкімшілігінің келісімімен осы параграфта қарастырылмаған басқа да қызметтерді пайдалануға мүмкіндік берілуі мүмкін.

51. Сотталғандардың өз меншігіндегі ақшасы төленген қосымша қызметтер олар түзеу мекемесі бастығының атына жазған өтініштері бойынша көрсетіледі.

52. Қызмет көрсету үшін әкімшілік тиісті маманды (қызметкерді) колонияға шақырады.

53. Қосымша қызмет көрсету сотталғанның жеке есепшотынан оларға қызмет көрсететін тиісті кәсіпорындардың, мекемелердің, ұйымдардың немесе маманның (қызметкердің) атына сотталғанның өтінішінде көрсетілген сомада поштамен (телеграфпен) ақша аудару жолымен жүзеге асырылады.

және салмағы тізбеленген екі данада өтініш береді және олардың құнын төлейді. Сотталғандар мұндай сәлемдемелерді алған соң өтініштің бірінші данасы осы сәлемдемелердің құнын төлеген адамға беріледі, екінші данасы жеке іске тігіледі.

61. Айыптылық және тәртіптік изоляторларында ұсталушы сотталғандарға посылкалар, сәлемдемелер және бандерольдер жазалау шараларын өтеген соң тапсырылады. Түзеу мекемелерінің әкімшілігі посылкалар, сәлемдемелер және бандерольдердегі салымдардың түгелдігін қамтамасыз етеді, алайда бұл салымдардың ұзақ уақыт сақтаудың салдарынан табиғи бұзылуына жауап бермейді.

62. Соңғы және оның алдында алынған посылкалар, сәлемдемелер және бандерольдердің аралығы сотталғандарға жылына берілуге тиіс посылкалардың жалпы санына 12 айды бөлгеннен жеке тең бөлінген мерзім сақталады.

63. Сотталғандар өз өтініштері бойынша туысқандарына және өзге де адамдарға өз меншігіндегі қаражат есебінен, түзеу мекемесінің дүкенінен сатып алынған тамақ өнімдерін және бірінші кезекте қажет заттарды, сондай-ақ өзінің жеке пайдалануындағы, қоймада сақтаудағы заттар мен бұйымдарды посылкамен және сәлемдемен, бандерольмен жібере алады. Мұндай жіберілімдерді әкімшілік өкілі сотталғанды қатыстыра отырып тексеруден өткізеді.

3. Сотталғандардан түзеу мекемелерінде пайдалануға тыйым салынған заттарды алып қою тәртібі

64. Сотталғандардан түзеу мекемелерінде пайдалануға тыйым салынған заттарды алып қою құқығын мекеме әкімшілігінің өкілдері иеленеді.

65. Тыйым салынған заттар сотталғандардан табылған сәтте алынып қойылады, бұл туралы рапорт немесе акт жазылады және тексеру өткізіледі.

66. Сотталғандардан алынған ақша олардың жеке шоттарына аударылады. Бағалы қағаздар және өзге де құндылықтар ТМ-нің бухгалтериясында немесе қоймасында сақталады, оның иесіне квитанция беріледі.

67. Алынған ақшалар мен бағалы заттарды, оларды алған лауазымды адамның актісі немесе рапорты бойынша мекеме бастығының кезекші көмекшісі бір тәулік мерзімнен (демалыс және мерекелік күндерді қоспағандағы) кешіктірмей қаржы бөліміне немесе бухгалтерияға тапсырады. Алынып қойылған заттар журналға тіркеледі.

68. Сотталғандардан алынып қойылған бағалы заттарға жатпайтын, тыйым салынған заттар сақтау үшін қоймаға тапсырылады не болмаса соттың шешімімен жойылады, онымен сотталған адам қолхат арқылы таныстырылады. Мұндай шешімдер белгіленбеген тәртіппен алынған тамақ өнімдеріне қатысты да

ш ы ғ а р ы л а д ы .

69. Сотталғандардың белгіленгеннен тыс ассортименттегі және мөлшердегі заттары алынып қойылады және сақтау үшін қоймаға тапсырылады. Егер қоймадағы сақтаулы заттар сотталғандарға қажет болса және ассортимент пен мөлшерден артық болмаса, олар иелеріне берілуі мүмкін.

70. Түзеу мекемесінің аумағынан табылған ақшалардың, сондай-ақ комиссиялық сауда дүкені арқылы өзге де бағалы құндылықтар мен заттарды сатудан соң алынған ақшалардың иелерін анықтау мүмкін болмаса, ол түзеу мекемесі бастығының қаулысы бойынша мекеме есебіне аударылады және сотталғандарды ұстауға жұмсалады.

6-ТАРАУ. СОТТАЛҒАНДАРДЫҢ ХАТ-ХАБАР АЛМАСУ, АҚША АУДАРЫЛЫМДАРЫН ЖӨНЕЛТУ, СОТТАЛҒАНДАРДЫҢ ТУЫСҚАНДАРЫМЕН ЖӘНЕ ӨЗГЕ АДАМДАРМЕН КЕЗДЕСУ, ТЕЛЕФОНМЕН СӨЙЛЕСУ, ҚОРҒАУШЫМЕН КЕЗДЕСУ ТӘРТІБІ

1. Сотталғандардың хат-хабар алмасу, ақша аударылымдарын алу және жөнелту тәртібі

71. Сотталғандардың өз қаржысы есебінен шектеусіз хат және жеделхаттар алуы және жіберуі тек түзеу мекемесінің әкімшілігі арқылы жүргізіледі. Мұндай мақсатпен колонияның әрбір оқшауландырылған учаскесінде, ал тәрбие колониясында әкімшілік белгілеген орында пошта жәшіктері ілініп, лауазымды адамдардың өкілдері олардан демалыс және мереке күндерінен басқа күндері күн сайын алып, жіберіп отырады. Түрмелерде, колониялардың камералық үлгідегі үй-жайларында сотталғандар хаттарын жіберу үшін әкімшілік өкілдеріне береді.

72. Хат пошта жәшіктеріне салынады және әкімшілік өкіліне желімделмеген к ү й і н д е б е р і л е д і .

73. Түзеу мекемесінен кетіп қалған сотталғандардың атына келген хат 3 тәуліктен кешіктірілмей оның жаңа тұрғылықты жеріне жіберіледі.

74. Жеделхаттар жөнелту сотталған адамның түзеу мекемесінің әкімшілігінен алынатын белгіленген нысандағы бланкілерді толтыруы жолымен жүзеге асырылады. Егер қалыптасқан жағдай (түзеу мекемесі байланыс бөлімшесінен қашық жағдайда көлік сынып қалса немесе жоқ болса, демалыс немесе мереке күндері және басқа) кедергі болмаса жеделхаттар келесі күннен кешіктірілмей жіберіледі. Жеделхаттарды жіберу үшін ақша төленгені туралы квитанция сотталған адамның жеке ісіне ол оған қол қойған соң тігіледі.

75. Сотталғандардың жазбалары цензураға жатады. Сотталғандардың өзге шарттылықтарды немесе жаргондарды қолданып, құпия жазулармен жазылған,

сондай-ақ мемлекеттік органдардың, қоғамдық бірлестіктердің және жекелеген азаматтардың заңмен қорғалатын құқықтарына зиян келтіруге бағытталған арсыз сипаттағы немесе мемлекеттік, қызметтік құпияларды құрайтын мәліметтері бар хаттары және олардың атына келген хаттар адресатқа жіберілмейді және сотталғанға берілмейді. Бұл туралы сотталғанға қол қойылып хабарланады, бұдан соң мұндай корреспонденциялар жойылады. Осы тәртіп ұқсас мазмұндағы жедел хаттарға да қолданылады.

76. Сотталғандарға келіп түскен ақша аударылымдары олардың жеке шоттарына аударылады. Жақын туыстарына және өзге де адамдарға ақша жіберу үшін сотталған өзінің жеке есеп шотындағы қаржы есебінен нақты соманы аудару туралы белгіленген нысандағы бланкіні және өтінішті толтырады. Толтырылған бланкілер мен арыздарды қабылдауды оған өкілетті лауазымды адам жүзеге асырады. Ақша аударылымының жөнелтілгені туралы квитанцияға сотталғанның қолы қойылып хабарланады, ол оның жеке ісіне тігіледі.

77. Өзге адамға ақша аударылымын жібергенде сотталған, сонымен қатар өз өтінішінде ақша аударғысы келетін себебін хабарлайды. Аталған өтініш бойынша әкімшілік шешімі әдеттегідей өтініш берілгеннен бастап 5 күннен кешіктірілмей қабылданады. Қабылданған шешім туралы сотталғанға х а б а р л а н а д ы .

2. Сотталғандардың ұсыныстары, арыздары мен шағымдары

78. Әрбір сотталушы ауызша не болмаса жазбаша ұсыныс, арыз немесе ш а ғ ы м а й т а а л а д ы .

79. Сотталғандар - Қазақстан Республикасының азаматтары (бұдан әрі - ҚР) ҚР-ның мемлекеттік тілінде немесе ресми қолданылатын орыс тілінде, не болмаса олардың өтініштері бойынша өз ана тілдерінде хат жазыса алады, ұсыныстар мен арыздар, шағымдар жасай алады. Сотталған - шетел азаматтары және азаматтығы жоқ адамдар мұны өз ана тілінде немесе өзі білетін кез-келген басқа тілде жазуға, қажет болған жағдайда аудармашының қызметін пайдалануға құқылы. Сотталғандарға жауап өтініш жасаған тілінде қайтарылады, ал бұған мүмкіндік болмаған жағдайда жауап Қазақстан Республикасының мемлекеттік тілінде немесе ресми түрде қолданылатын орыс тілінде беріледі, жаза атқарушы орган немесе мекеме берілген жауапты сотталғанның өтініш жасаған тіліне а у д а р у д ы қ а м т а м а с ы з е т е д і .

80. Сотталғандар - шетел азаматтарының және азаматтығы жоқ адамдар өз мемлекеттерінің ҚР-дағы дипломатиялық өкілдіктерімен және консулдық мекемелерімен, ал Қазақстан Республикасында дипломатиялық өкілдіктері және консулдық мекемелері жоқ елдің азаматтары олардың мүддесін қорғауды өз

міндетіне алған мемлекеттің дипломатиялық өкілдігімен немесе оларды қорғаумен айналысатын халықаралық ұйымдармен байланыс орнатуға құқылы.

81. Сотталғандар ұсыныстарын, арыздары мен шағымдарын тек өз атынан ғана беруге құқылы, жөнелту жөніндегі шығындарды төлеу сотталғанның жеке есеп шотындағы қаржы есебінен жүзеге асырылады.

82. Жазбаша ұсыныстар, арыздар және шағымдар мекен-жай бойынша түзеу мекемесінің әкімшілігі арқылы жөнелтіледі. Олар түрменің арнайы есепке алу бөлімінде немесе колония хатшысында (іс жүргізушіде) тіркеледі және үш тәуліктен кешіктірілмей адресатқа жөнелтіледі.

83. Жаза атқарушы мекемелер мен органдардың қызметін бақылауды және қадағалауды жүзеге асыратын органдарға жіберілетін ұсыныстар, өтініштер және шағымдар тексеруге және цензураға жатпайды және бір тәулік ішінде жөнелтіледі.

84. Сәлемдемелер, посылкалар алу, кездесулерге рұқсат алу, ақша жұмсау, еңбекақы аудару, еңбекті пайдалану, медициналық көмек көрсету, заттай мүліктермен қамтамасыз ету, сондай-ақ жергілікті жерде түзеу мекемесінің әкімшілігі шеше алатын осындай сипаттағы өзге де мәселелер жөніндегі ұсыныстар, арыздар мен шағымдарға оларды органдардың немесе жіберілген адамның қарауын күтпей-ақ рұқсат беріледі.

85. Мемлекеттік органдарға және қоғамдық бірлестіктерге, сондай-ақ лауазымды адамдарға жіберілетін ұсыныстар, өтініштер және шағымдарды түзеу мекемесінің әкімшілігі баяндалған жәйт жөнінде өзінің пікірін қысқаша көрсеткен ілеспе хатпен бірге жібереді. Сот органдарына және прокуратура органдарына жаза шараларын кеміту туралы алғаш рет жазылған арыздар мен шағымдарға, сондай-ақ басқа түзеу мекемелеріне ауыстыру туралы шағымдарға анықтама-қолдау хат тігіледі.

86. Ұсыныстар, арыздар мен шағымдарды қарау нәтижесі бойынша келген жауаптар келісімен, бірақ үш күн мерзімнен кешіктірілмей қолхат арқылы сотталғанға хабарланады, және олардың жеке ісіне тігіледі.

87. Жазбаша түрде баяндалған ұсыныстарға, арыздарға және шағымдарға осы Ереженің 15-параграфындағы 75-тармақтың күші толық түрде таралады.

3. Сотталғандарға кездесулер беру тәртібі

88. ҚР ҚАК-нің 84-бабында белгіленген тәртіппен, сотталғандарға туыскандарымен немесе өзге адамдармен қысқа мерзімді кездесу түзеу мекемесі өкілінің қатысуымен беріледі. Жұбайымен, ата-аналарымен, асырап алушылармен, асырап алған балаларымен, бірге туған ағаларымен және әпкелерімен, аталарымен, әжелерімен, немерелерімен, ал ерекше жағдайларда

түзеу мекемесі бастығының - өзге адамдармен бірге тұру құқығымен ұзақ мерзімді кездесу беріледі.

89. Кездесуге рұқсатты сотталғанның не болмаса онымен кездесуге келген адамның өтініші бойынша түзеу мекемесінің бастығы немесе оның орнындағы адам береді. Кездесу беруден бас тартылған кезде сотталғанмен кездесуге өтініш білдірушінің өтінішіне бас тартудың себебі туралы белгі қойылады. Кездесуге келген адамның жеке басын, сондай-ақ олардың туыстық байланыстарын куәландыратын құжаттар болып табылатындар: паспорт, әскери билет, жеке бас куәлігі, туу туралы куәлік, неке туралы куәлік, қамқоршы органдардың құжаттары.

90. Кездесуге келген адамды түзеу мекемесінің бастығы немесе оның орынбасары, не болмаса отряд бастығы немесе түзеу мекемесі бастығының кезекші көмекшісі қабылдайды. Оларға сотталғанның жүріс-тұрысы туралы хабарланады және кездесу кезіндегі мінез-құлқы жөнінде, жасырын сәлемдемелер беруге болмайтындығы туралы және егер белгіленген тәртіптің бұзылғандығы байқалса, кездесудің дереу тоқтатылатындығы туралы ескерту жасалады.

91. Сотталғандар әдетте, ұзақ мерзімді кездесулер кезеңінде жұмыстан алдын ала немесе соңынан өтейтін болып босатылады.

92. Сотталғанға бірінші кездесу күзет қамауында ұсталған жерде бұрын кездесу алғанына қарамастан, түзеу мекемесіне келісімен берілуі мүмкін. Қысқа мерзімді және ұзақ мерзімді кездесу құқығы болған кезде қайсысын бірінші алуды сотталған анықтайды. Одан кейінгі кездесу он екі айды сотталғанға бір жылда тиесілі аталған түрдегі кездесу санына бөлгендегі бөлікке тең кезеңнің өтуі бойынша беріледі.

93. Түзеу мекемелерінің қалыпты қызметіне кедергі келтіретін эпидемияға қарсы шаралар өткізу, табиғи зілзалар және басқа да төтенше жағдайлар кезінде кездесулер уақытша тоқтатылуы мүмкін.

94. Түзеу мекемелерінің қалыпты қызметіне кедергі келтіретін карантинге, табиғи зілзалаға немесе төтенше оқиғаларға байланысты сотталғандарға кездесу үшін берілмеген уақыт мерзімге қоса есептеледі, ол мерзім өткеннен кейін сотталғанға кездесу берілуі мүмкін.

95. Әкімшілік кездесуге келген адамның талабы бойынша кездесудің мерзімін қысқартуы мүмкін. Кездесулерді біріктіруге немесе бір кездесуді бірнешеге бөлуге жол берілмейді.

96. Сотталғандар кездесуге ұқыпты түрмен келуі қажет. Ұзақ мерзімді кездесулер кезеңінде олар туысқандары әкелген киімдерді, іш киімдерді және аяқ киімдерді пайдалана алады. Сотталғандар кездесуге дейін және одан кейін толық тінтуден өтеді.

97. Сотталғанға бір мезгілде жанында сотталғанның кәмелеттік жасқа толмаған аға-інілері, әпке-қарындастары, балалары, немерелері бола алатын екі ересек адаммен ұзақ мерзімді кездесуге рұқсат етіледі.

98. Өзге адамдармен ұзақ мерзімді кездесу әкімшіліктің пікірі бойынша, егер мұндай кездесу сотталғанға кері әсер етпейтін жағдайда ғана беріледі.

99. Сотталғанмен кездесуге келген адам, оған түзеу мекемесінің әкімшілігі кездесу тәртібін түсіндірген соң, ақшаларын, сондай-ақ түзеу мекемесінде пайдалануға рұқсат етілмейтін заттар мен бағалы заттарын қолхат бойынша кездесу өткізу жөніндегі кіші инспекторға сақтауға тапсырады.

100. Кездесуге келген адам сотталғанға түзеу мекемелерінде сақтауға рұқсат етілмеген құралдарды, бұйымдарды және заттарды беруге ниеті бар деп ойлауға жеткілікті негіз табылса, түзеу мекемесінің бастығы мұндай адамға ол өзіне тиесілі заттар мен киімдерді қарауға келіскен кезде ғана кездесу берілетінін хабарлайды. Қараудан жасырған рұқсат етілмеген құралдар, бұйымдар және заттар табылған жағдайда түзеу мекемесінің әкімшілігі ҚР ҚАК 77-бабының және осы Ереженің талаптарына сәйкес шара қолданады.

101. Егер кездесуге келген адам заттары мен киімдерін қараудан бас тартса оған сотталғанмен ұзақ уақыт кездесуге рұқсат етілмейді, бірақ та қысқа мерзімді кездесу берілуі мүмкін.

102. Келуші кездесу өткізудің белгіленген тәртібін бұзған кезде ол дереу тоқтатылады.

103. Сотталғанмен кездесуге келген адамның қысқа мерзімді кездесу өткізілетін бөлмеге қандайда бір тамақ өнімдерін немесе заттарды алып кіруіне жол берілмейді, ал тәрбие колонияларында - әкімшіліктің қарауы бойынша. Ұзақ мерзімді кездесу кезінде тамақ өнімдерін (арақ-шарап өнімдері мен сырадан басқа) алып кіруге рұқсат етіледі.

104. Түзеу мекемесінің шегінен тыс ұзақ мерзімді кездесуге рұқсат етілген соң сотталғанға айдауылсыз жүріп-түру құқығын пайдаланатын адамдарға арналған рұқсат қағазына ұқсас, ал тәрбие колониясында сотталғанға көтермелеу ретінде колониядан тысқары шығу құқығын алған сотталғанға берілетін рұқсат қағазына ұқсас рұқсат қағазы беріледі. Кездесуді өткізу орны мен тәртібін сотталғанның мінез-құлқын қадағалауды ескере отырып, түзеу мекемесінің бастығы белгілейді. Сотталғанға түзеу мекемесінің шегінен тыс кездесу орнын өз еркімен тастап кетуге тыйым салынады.

105. Сотталғанмен кездесуге келушілердің ұзақ мерзімді кездесу бөлмесінде тұруын өздері немесе сотталған адамдардың жеке қаражаты есебінен, Қазақстан Республикасының заңнамасында белгіленген тәртіппен анықталған тариф және ставка бойынша төлейді.

106. Кездесу түрлерін және кездесулерді телефонмен сөйлесулерге алмастыру

сотталғанның жазбаша өтініші бойынша жүргізіледі.

107. Сотталғандардың заңгерлік көмек алулары үшін олардың өтініштері бойынша қорғаушылармен немесе заңгерлік көмек көрсетуге құқығы бар өзге де адамдармен кездесу беріледі. Сотталғанның тілегі бойынша кездесу оңаша берілуі мүмкін.

108. Мұндай кездесулер заңмен белгіленген кездесулер санына есептелмейді, олардың саны мен ұзақтығына шек қойылмайды, алайда кездесу сотталғандардың жұмыстан тыс уақытында және тек таңертең тұрғаннан кешкі жатарға дейінгі сағаттарда өткізіледі.

4. Сотталғандарға телефонмен сөйлесуге рұқсат беру тәртібі

109. Телефон сөйлесулеріне рұқсат сотталғандардың жазбаша өтініші бойынша беріледі, онда мекен-жайы, абоненттің телефон номері және сөйлесу ұзақтығы көрсетіледі, бірақ ол 15 минуттан аспауы керек. Қалааралық телефон сөйлесулерінің төлемі сотталғандардың жеке есеп шотынан қолданылып жүрген тариф бойынша жүзеге асырылады. Телефон сөйлесулері әкімшіліктің бақылауымен өткізіледі.

110. Түзеу мекемесіне келісіммен, сондай-ақ ерекше жеке жағдайлар кезінде сотталғанның өтініші бойынша оған телефонмен қосымша сөйлесуге рұқсат берілуі мүмкін.

111. Түзеу мекемелерінде ұсталушы сотталғандар арасында телефон сөйлесулеріне тыйым салынады.

112. Қатаң жағдайда ұсталушы сотталғандарға, сондай-ақ айыптылық, тәртіптік изоляторларында, камералық үлгідегі үй-жайларда және жалғыз адамдық камераларда айып шараларын өтеушілерге телефон сөйлесулеріне тек ерекше жеке жағдайларда ғана рұқсат етілуі мүмкін.

7-ТАРАУ. СОТТАЛҒАНДАРҒА ТҮЗЕУ МЕКЕМЕЛЕРІНДЕ ШЕГІНЕН ТЫС ШЫҒУҒА РҰҚСАТ БЕРУ ТӘРТІБІ ТҮЗЕУ МЕКЕМЕСІНІҢ ШЕГІНЕН ТЫС ЖЕРДЕ АЙДАУЫЛСЫЗ НЕМЕСЕ ЕРІП ЖҮРУСІЗ ЖҮРІП-ТҰРУ ҚҰҚЫҒЫН ПАЙДАЛАНУШЫ СОТТАЛҒАНДАРДЫҢ, СОНДАЙ-АҚ ҚР ҚАК-НІҢ 117 ЖӘНЕ 129 БАПТАРЫНЫҢ ТӘРТІБІМЕН КҮЗЕТ ҚАМАУЫНАН, КҮЗЕТТЕН ТҮЗЕУ МЕКЕМЕСІ ӘКІМШІЛІГІНІҢ ҚАДАҒАЛАУЫНА БОСАҒАНДАРДЫҢ

ЖҮРІС-ТҰРЫС ЕРЕЖЕЛЕРІ

1. Сотталғандарға түзеу мекемелерінің шегінен тыс шығуға рұқсат беру тәртібі

113. Түзеу мекемелерінің шегінен тыс шығуға рұқсатты сотталғанның жазбаша өтініші негізінде мекеме бастығы береді.

114. Қысқа мерзімді шығуға рұқсат беру туралы өтінішке ерекше жеке бас жағдайын растайтын құжаттар (денсаулық сақтау органдарының, жергілікті өзін-өзі басқару органдарының және берілген жеріндегі ішкі істер органдары куәландырылған басқа да ресми құжаттар, сотталғанның босатылған соң еңбекке және тұрмысқа орналастыру мәселелерін алдын ала шешу үшін берген өтініші және еңбекке және тұрмысқа орналастыру жөніндегі аға инспектордың дәлелді қолдау хаты) қоса беріледі.

115. Жыл сайынғы ақы төленетін демалыс кезіндегі ұзақ мерзімді шығулар сотталғанның өтініші бойынша графикке сәйкес беріледі. Жұмыспен қамтамасыз етілмеген, бірақ оның себебі оларға байланысты емес сотталғандардың шығу кезегі бөлек график бойынша белгіленеді. Шығуға рұқсат ҚР ҚАК 93-бабының талаптарын сақтай отырып беріледі және түзеу мекемесі бастығының бұйрығымен ресімделеді.

116. Ұзақ мерзімге немесе қысқа мерзімге шығуға рұқсат алған сотталғандарға бекітілген нысандағы куәлік беріледі, шығу тәртібі түсіндіріледі, оған бас бостандығынан айыру жазасын өтеуден жалтарудың қылмыстық жауапкершілігі туралы ескертіледі, ол туралы қолхат береді. Шығуға байланысты шығындарды төлеуге ақшаны сотталғанның жазбаша өтініші бойынша түзеу мекемесінің бухгалтериясы береді.

117. Жолақы билетін сотталған өз бетінше сатып алады. Қажет болған жағдайда мекеме әкімшілігі оған көмек көрсетеді.

118. Шығу кезеңінде сотталғанның өзіне тиесілі азаматтық киімдері мен аяқ киімдерін алуына құқығы бар.

119. Сотталған белгіленген жерге келген соң бір тәулік ішінде ішкі істер органдарының кезекші бөліміне, ал ауылдық жерлерде - полицияның учаскелік инспекторына келуге және куәлігіне келгені туралы белгі жасатуға, келу мақсатын, болатын жері мен мерзімін, кететін датасын хабарлауға міндетті. Шығу уақыты аяқталуы бойынша сотталған сол ішкі істер органында мекемеге кеткені туралы куәлігіне белгі қойдырады. Түзеу мекемесіне түнгі уақытта немесе таңертең ерте қайтатын кезде белгі қайтатын күннің алдындағы күні қойылады. Келген және кеткен датасы туралы белгі ішкі істер органының мөрімен куәландырылады.

120. Сотталған мекемеге оралған соң куәлігін, жолақы билеттерін көрсетеді. Сотталғанның белгіленген мерзімде шығуын қиындататын ойда болмаған жағдай туындаған жағдайда, сотталғанның келген жеріндегі ішкі істер органы бастығының қаулысы бойынша түзеу мекемесіне қайту мерзімі 5 тәулікке дейін

созылуы мүмкін, бұл туралы түзеу мекемесінің әкімшілігіне міндетті түрде
ж е д е л х а б а р л а н а д ы .

121. Сыртқа шыққан уақытында ауырған және сотталғанды госпитализациялау қажеттігі кезінде оның ата-анасы немесе олардың орнындағы адамдар ол туралы сотталғанның жаза өтеп жүрген түзеу мекемесінің әкімшілігіне және келген жеріндегі ішкі істер органына дереу хабарлайды. Мұндай жағдайда ол қылмыстық-атқару жүйесінің жақын жердегі емдеу мекемесіне немесе денсаулық сақтау органының емдеу мекемесіне жіберілуі мүмкін. Емдеу аяқталған соң және шыққан соң сотталған осы параграфпен бекітілген тәртіппен жаза өтеу орнына келеді.

122. Жауап беру қабілеттілігін жоққа шығармайтын психикалық бұзулардан зардап шегуші сотталғандарға, I және II топтағы мүгедек болып табылатын және денсаулық жағдайына байланысты тұрақты күтімді қажет ететін сотталғандарға, сондай-ақ кәмелеттік жасқа толмаған сотталғандарға түзеу мекемесінің шегінен тыс шығуға туысқандарының немесе өзге де адамдардың ілесуімен рұқсат етіледі .

2. Түзеу мекемесінің шегінен тыс жерде айдауылсыз немесе еріп жүрусіз жүріп-түру құқығын пайдаланушы сотталғандардың, сондай-ақ ҚР ҚАК-нің 117 және 129 баптарының тәртібімен күзет қамауынан, күзеттен түзеу мекемесі әкімшілігінің қадағалауына босатылғандардың жүріс-тұрыс ережелері

123. Айдауылсыз немесе еріп жүрусіз жүріп-түру құқығын пайдаланушы, сондай-ақ күзет қамауынан, күзеттен түзеу мекемесі әкімшілігінің қадағалауына босатылған сотталғандар бекітілген үлгідегі рұқсат қағазы негізінде түзеу мекемесінің шегінен тыс жерде жүріп-түру құқығын пайдаланады.

124. Бұл сотталғандар жұмыстан бос уақыттарында оларға мекеме әкімшілігі анықтап берген тұратын жатақхананың (объектінің) шегінде болуға және сотталғандардың түзеу мекемесіндегі жүріс-тұрыс ережесін сақтауы керек.

125. Сотталғандар тұрғын аймақтан немесе жатақханадан (тұрғын объектісі) т ы с ж е р д е жү р г е н к е з д е :

- 1) жүріп-тұру бағытын және уақытын, қоғамдық тәртіп ережелерін сақтауға;
- 2) жұмыстан соң тұрғын зонаға немесе жатақханаға (объектіге) дер кезінде оралуға және келгені туралы әкімшілік өкіліне хабарлауға;
- 3) түзеу мекемесі қызметкерлерінің және полиция қызметкерлерінің алғашқы талабы бойынша рұқсат қағазын көрсетуге. Тұрғын зонаға келген кезде оны сақшыға, бақылау-өткізу пунктінің кезекшісіне, ал жатақханада (тұрғын

объектіде) қадағалауды жүзеге асырушы әкімшілік өкіліне тапсыруға міндетті.

126. Сотталғандарға:

1) күн тәртібінде белгіленбеген уақытта тұрғын зонадан және жатақханадан (объектіден) шығуға;

2) жұмыс уақытында жұмыс объектісін тастап кетуге;

3) жөнелту үшін сотталғандардың және өзге адамдардың тапсырған хаттарын қабылдауға және өзге тапсырмаларын орындауға;

4) рұқсат қағазын басқа адамдарға беруге тыйым салынады.

127. Күзет қамауынан, күзеттен түзеу мекемесінің қадағалауына босатылған сотталғандар мекеме бастығының рұқсатымен таныстық орнатуына және жеке адамдардың пәтерлеріне баруға, босатылған соң тұрмысқа және еңбекке орналастыру мәселелерін шешу үшін мекемелерге, кәсіпорындар мен ұйымдарға бара алады, тәрбие колонияларында жазасын өтеуші осы санаттағы сотталғандар бұдан басқа, тәрбие колониясы бастығының рұқсатымен сауда

және коммуналдық-тұрмыстық, мәдени-ағарту және спорттық мақсаттағы кәсіпорындарға бара алады.

128. Аталған жүріс-тұрыс ережесі сотталғанға қолхатпен хабарланады, және айдауылсыз немесе еріп жүрусіз жүріп-тұру құқығы берілгені туралы, сондай-ақ күзет қамауынан, күзеттен түзеу мекемесі әкімшілігінің қадағалауына босатылғаны туралы қаулымен бірге оның жеке ісіне тігіледі.

3. Тәрбие колонияларында ұсталынушы сотталғандарға көтермелеу ретінде мекеменің шегінен тыс жерге шығуға рұқсат беру тәртібі

129. Сотталғандардың осы колония қызметкерлерінің, сондай-ақ ата-аналарының, олардың орнындағы адамдардың немесе басқа жақын туыстарының ілесуімен көтермелеу ретінде тәрбие колониясының шегінен тыс жерге шығуы тәрбие колониясы бастығының көтермелеу туралы бұйрығының негізінде жүзеге асырылады.

130. Сотталғанға бекітілген үлгідегі рұқсат қағазы беріледі, ол олардың жеке ісінде сақталады.

8-ТАРАУ. БАС БОСТАНДЫҒЫНАН АЙЫРУҒА СОТТАЛҒАНДАРДЫ МЕДИЦИНАЛЫҚ-САНИТАРЛЫҚ ҚЫЗМЕТПЕН ҚАМТАМАСЫЗ ЕТУ

1. Сотталғандарға емдеу-профилактикалық және санитарлық-профилактикалық көмек көрсету және ұйымдастыру

131. Бас бостандығынан айыруға сотталғандарға емдеу-профилактикалық және санитарлық-профилактикалық көмек ҚР заңнамалары мен осы Ережеге сәйкес ұйымдастырылады және көрсетіледі, сотталғандарға медициналық көмек көрсетудің тәртібі, мемлекеттік

санитарлық-эпидемиологиялық қадағалауды жүзеге асыру заңнамамен, Қазақстан Республикасы Денсаулық сақтау ісі жөніндегі агенттігінің және Ішкі істерінің нормативтік-құқықтық кесімдерімен белгіленеді.

132. Түзеу мекемелерінде: сотталғандардың ауруларының алдын алу мақсатында медициналық тексеру және бақылау, диспансерлік есепке алу, Қазақстан Республикасының Денсаулық сақтау ісі жөніндегі агенттігі ұсынған тәсілдермен және құралдармен қадағалау және емдеу, сондай-ақ олардың еңбекке қабілетін анықтау жүзеге асырылады.

133. Емдеу-профилактикалық және емдеу түзеу мекемесінде қажетті медициналық көмек көрсетуге мүмкіндік болмаған жағдайда, сотталғандар, әдетте, денсаулық сақтау органдарының аумақтық емдеу-профилактикалық ұйымдарына жөнелтіледі.

134. Түзеу мекемелерінде санитарлық-гигиеналық және эпидемияға қарсы ережелер мен нормаларды қатаң орындау қамтамасыз етіледі. Түзеу мекемесіне келген барлық сотталғандар алғашқы медициналық қараудан және жуындан, киімдерді дезинфекциялайтын камерада тазартудан, шашты қысқа алдырудан тұратын кешенді санитарлық тазартудан өтеді. Медициналық көрсеткіштерге сәйкес шашты толық алдыруы мүмкін. Карантин бөлімшесіндегі сотталғандар маман дәрігерлердің қарауынан, рентгено-флюорографиялық және лабораториялық зерттеулерден тұратын міндетті медициналық тексеруден өтеді. Тексеру нәтижелері сотталғандардың медициналық амбулаторлық картасына тіркеледі.

135. Түзеу мекемелерінің медициналық бөлімшесінде сотталғандарды қабылдау түзеу мекемесі медициналық бөлімшесінің жұмыс режиміне сәйкес алдын ала жазба бойынша және медициналық қызметкерлердің тағайындаулары бойынша жүргізіледі.

136. Сотталғанның туысқандарынан алынған медициналық дәрі-дәрмектерді қабылдауы қатаң медициналық көрсеткіштер бойынша және тек түзеу мекемесі медицина қызметкерлерінің қатаң бақылауымен жүзеге асырылады.

137. Сотталғандар өздерінің тілектері бойынша жеке қаражаты есебінен емдеу-профилактикалық мекемелері және қылмыстық-атқару жүйесі емдеу түзеу мекемелері жағдайында денсаулық сақтау органдарының мамандары көрсететін кез-келген ақылы, қосымша емдеу-профилактикалық көмектерді ала алады. Бұл үшін сотталғандар түзеу мекемесінің бастығына өзінің алғысы келген қосымша емдеу-профилактикалық көмектің түрін, медицина маманының тегін, атын, әкесінің атын көрсетіп тиісті өтініш жазады. Аталған мәселені шешу кезінде түзеу мекемесі медицина қызметкерлерінің пікірлері ескеріледі. Өтініш үш күннің ішінде қаралады және медицина маманының келетін уақыты анықталады. Маман келген соң оның медициналық қызметпен айналысу құқығы анықталады.

138. Қосымша емдеу-профилактикалық көмектің түрі және оның көлемі сотталғанның медициналық картасына белгіленеді.

139. Қосымша емдеу-профилактикалық көмектің төлемі сотталғанның жеке есеп шотындағы ақшадан сотталғанның өтінішінде көрсетілген сома медициналық мекеменің не болмаса медицина қызметкерінің мекен-жайына пошта (телеграф) арқылы аудару жолымен жүзеге асырылады.

2. Сотталғандарды емдеу-профилактикалық мекемелеріне орналастыру және ұстау шарттарының ерекшеліктері

140. Емдеу-профилактикалық мекемелерінде тек қылмыстың аса қауіпті рецидиві бойынша сотталған, өмір бойы бас бостандығынан айыруға сотталған, сондай-ақ өлім жазасы кешірім жасау тәртібімен бас бостандығынан белгілі бір мерзімге немесе өмір бойы бас бостандығынан айыруға алмастырылған, бас бостандығынан айыру жазасын түрмеде өтеуге сотталған ер адамдар басқа санаттағы сотталғандардан оқшау ұсталады. Мұндай сотталғандар түрме типінде арнайы бөлінген және жабдықталған палаталарда ұсталады. Сондай-ақ кәмелеттік жасқа толмағандар басқа сотталғандардан, ал әйелдер - еркектерден бөлек ұсталады. Өртүрлі жұқпалы аурулармен ауыратын сотталғандар инфекция түрлеріне қарай бөлек-бөлек және соматикалық науқастардан бөлек ұсталады.

141. Өз құрылымында психиатриялық (жұқпалы аурулар) бөлімшелері (палатасы) бар емдеу мекемелерінде ауруларды оқшаулауды қамтамасыз ететін режим, сондай-ақ барлық санаттағы сотталғандардың мінез-құлқына күшейтілген қ а д а ғ а л а у б е л г і л е н е д і .

142. Емдеу-профилактикалық мекемелеріндегі сотталғандарға әдетте ұзақ мерзімді кездесу берілмейді.

143. Қысқа мерзімді кездесулерді түзеу мекемелерінің тиісті түрлері үшін белгіленген норма бойынша емдеу-профилактикалық мекемелерінің бастықтары б е р е д і .

144. Сотталғанның өміріне қауіп төндіретін ауыр сырқат жағдайында мекеме бастығы сотталғанның жақын туыстарына кіріп шығуға мүмкіндік береді. Мұндай келулер кезекті кездесу есебіне есептелмейді.

145. Егер сотталған айыптылық және тәртіптік изоляторларынан, не болмаса жалпы, қатаң режимдегі колониялардың камералық үлгідегі үй-жайынан ерекше режимдегі колонияның жалғыз адамдық камерасынан, не болмаса түрмедегі қатаң режимнен дене мүшесін зақымдап немесе ауруын сылтауратып емдеу-профилактикалық мекемесіне ауыстырылса, олардың емдеу-профилактикалық мекемесінде болған уақыты жаза шарасын өтеу

мерзіміне есептелмейді.

146. Осы мекемелерде белгіленген режимді бұзған сотталғандар мыналарды: олар айыптық, тәртіптік изоляторларына, камералық үлгідегі үй-жайларға және жалғыз адамдық камераларға ауыстыруды қоспағанда толық көлемде жауапты болады.

147. Жаза өтеудің белгіленген тәртібін қасақана бұзған сотталғандар тек медициналық көрсеткіштері мүмкін болған жағдайда ғана емдеу-профилактикалық мекемесінен шығарылады және бұрынғы орнына қайта оралады.

3. Мәжбүрлеп емдеуді жүзеге асырушы түзеу мекемелеріндегі сотталғандарды ұстау шарттарының ерекшеліктері

148. Мәжбүрлеп емдеуді жүзеге асырушы түзеу мекемелерінің күн тәртібіне емдеу шаралары да кіреді. Сотталғандардың бар жоғын тексеру тәулігіне кем дегенде екі рет оқшауланған учаскелерде не болмаса палаталарда сандық есеп алу және тегі бойынша түгендеу жолымен жүргізіледі.

149. Ұзақ мерзімді кездесу түзеу мекемесінің режим түріне сәйкес белгіленген норма бойынша, сотталғанда медициналық қарсы көрсеткіштер жоқ болса ғана беріледі.

150. Сотталғандардың еңбегі медициналық көрсеткіштерге, еңбек қабілеттілігінің дәрежесіне және мәжбүрлеп емдеуді жүзеге асырушы түзеу мекемесінің жағдайында еңбекке пайдалану мүмкіндігіне сәйкес ұйымдастырылады.

151. Мәжбүрлеп емдеуді жүзеге асырушы түзеу мекемелерінде ұсталушы сотталғандар белгіленген жаза өтеу тәртібін қасақана бұзса айыптылық, тәртіптік изоляторларына орналастырылады, камералық үлгідегі үй-жайға, жалғыз адамдық камераларға ауыстырылады, онда олар сондай-ақ медициналық көрсеткіштеріне сәйкес емдеумен, тамақпен қамтамасыз етіледі, және оларға күн сайын 2 сағат ұзақтықта серуендеуге рұқсат беріледі. Осы Ережелердің қалған бөлімдері емдеу-профилактикалық мекемелерінде қалай қолданылса, көрсетілген санаттағы сотталғандарға да солай қолданылады.

152. ВИЧ инфекциясын жұқтырған науқастар онкологиялық аурулардың нормасы бойынша тамақтанады. Олар денеге күш түсіретін ауыр жұмыстарға және кәсіби зиянды еңбекке тартылмайды. ВИЧ инфекциясын жұқтырған сотталғандарда екінші бір ауру қабынса және терминальды кезеңде басқа ВИЧ инфекциясын жұқтырған науқастардан бөлек ұсталады. ВИЧ инфекциясын жұқтырған сотталғандарға екінші ауруының ремиссиясы кезеңінде олардың

медициналық көрсеткіштерін ескере отырып серуендеуге және еңбек етуге рұқсат етілуі мүмкін.

9-ТАРАУ. ТҮЗЕУ МЕКЕМЕЛЕРІНДЕ СОТТАЛҒАНДАРДЫҢ ЖАЗА ӨТЕУ ЕРЕКШЕЛІКТЕРІ

1. Сотталғандарды жаза өтеудің қатаң жағдайында

ұстау ерекшеліктері

153. Жазаларын қатаң жағдайда өтеуші сотталғандар тұратын үй-жайлар онда ұсталушыларды жазаларын басқа жағдайда өтеуші сотталғандардан оқшаулауды қамтамасыз ете отырып, коммуналдық-тұрмыстық объектілердің толық кешенімен жабдықталады.

154. Жалпы білім беретін мектептерде, кәсіби-техникалық училищелерде және кәсіби-техникалық даярлық курстарында оқитын адамдар, түзеу колонияларында қатаң жағдайда жаза өтеу кезеңінде сабаққа шығарылмайды. Оларға өз бетінше оқу және оқытушылармен кеңесу мүмкіндігі беріледі.

155. Сотталғандармен мәдени-бұқаралық шаралар өткізу олар тұратын үй-жайлардың шегінде жүзеге асырылады. Кітапхана және дүкен қызметін пайдалану басқа сотталғандардан оқшаулау жағдайында қамтамасыз етіледі.

156. Сотталғандарды еңбекке пайдалану, тамақтандыру, медициналық тексеру, санитарлық тазартудан өткізу, амбулаторлық емдеу жұмыстары жазаларын ұстаудың басқа жағдайында өтеуші сотталғандардан бөлек ұйымдастырылады.

157. Тәрбие колонияларында жаза өтеудің қатаң жағдайында жаза өтеуші адамдар үшін оқу және жұмыс оқшауландырылған үй-жайда ұйымдастырылады.

2. Сотталғандарды айыптылық және тәртіптік изоляторларында, камералық үлгідегі үй-жайларда, жалғыз адамдық камераларда ұстау жағдайларының ерекшеліктері

158. Сотталғандарға айыптылық және тәртіптік изоляторларына сүлгі, сабын, тіс тазалайтын ұнтақ пен паста, тіс щеткасынан басқа өздерінде бар тамақ өнімдерін және жеке заттарын өздерімен бірге алуға тыйым салынады. Оларға кітаптарды, газеттерді, журналдарды және өзге де әдебиеттерді пайдалануға рұқсат берілмейді. Тәрбие колонияларының тәртіптік изоляторында сотталғандарға оқулықтарды және оқу әдебиеттерін пайдалануға рұқсат етіледі.

159. Тамақ өнімдері қоймаға тапсырылады және сотталғандарға олар айып жазасын өтеген соң беріледі. Әкімшілік олардың сақталуы үшін шара қабылдайды, алайда тамақ өнімдері ұзақ сақтау салдарынан табиғи түрде

бұзылса, бұл туралы комиссия акт жасайды және олар жойылады.

160. Айыптылық және тәртіптік изоляторларына орналыстырылған сотталғандарға темекі шегуге тыйым салынады (өрт қауіпсіздігін қамтамасыз ету және санитарлық-гигиеналық талаптарды сақтау үшін).

161. Сотталғандарды айыптылық және тәртіптік изоляторларына, қабылдау кезінде олар толық тінтуден өткізіледі, содан соң мүмкіндігінше осы үй-жайларға бекітілген киімдерді киеді.

162. Колония-қоныстардың айыптылық изоляторларында ұсталушы сотталғандардан оларға бекітілген норма бойынша берілген тамақтың толық құны өндіріліп алынады.

163. Жазаға тарту тәртібімен камералық үлгідегі үй-жайларға немесе жалғыз адамдық камераларға ауыстырылған сотталғандарға өздерімен бірге тамақ өнімдерінен, сүлгі, сабын, тіс тазалайтын ұнтақ пен пастасынан, тіс щеткасы, темекі өнімдері мен сіріңкеден басқа жеке заттарын алуға рұқсат етілмейді.

164. Камералық үлгідегі үй-жайларда, жалғыз адамдық камераларда ұсталушы сотталғандарға өздерімен бірге оқулықтар, жай қарандаш, автоқалам, стержень, дәптер, пошта маркаларын, құттықтау хат, конверт алуға, кітапхана қызметін пайдалануға, кітаптар, газет-журналдар жаздырып алуға рұқсат етіледі.

165. Жалпы білім беретін мектептерде, кәсіптік-техникалық училищелерде және кәсіби-техникалық дайындық курсында оқитын адамдар айыптылық изоляторларында, камералық үлгідегі үй-жайларда, жалғыз адамдық камераларда болған кезеңінде сабаққа шығарылмайды. Оларға өз бетінше оқу және оқытушылардан кеңес алу мүмкіндігі беріледі. Тәртіптік изоляторларында ұсталушы сотталғандар тәртіп изоляторының үй-жайында орналасқан оқу сыныптарына сабаққа апарылады.

166. Сотталғандарды камералық үлгідегі үй-жайлардан не болмаса жалғыз адамдық камералардан камералық үлгідегі үй-жайларда және жалғыз адамдық камераларда жасаған теріс қылықтары үшін айыптылық изоляторына ауыстырған кезде оларды айыптылық изоляторында ұстау мерзімі камералық үлгідегі үй-жайларда және жалғыз адамдық камераларда ұстау мерзіміне есептелмейді. Бас бостандығынан айыру жазасын айыптылық изоляторында өтеудің белгіленген тәртібін қасақана бұзған сотталғанды камералық үлгідегі үй-жайларға ауыстырған жағдайда камералық үлгідегі үй-жайларда ұстау мерзімі айыптылық изоляторындағы жазасын өтеген соң есептеледі.

167. Сотталғандар камерада, жұмыс уақытында өндіріс объектісінде тамақтанады.

168. Айыптылық изоляторында, камералық үлгідегі үй-жайларда және жалғыз адамдық камераларда ұсталушы сотталғандарды медициналық қарау және

амбулаторлық емдеу арнайы жабдықталған үй-жайда жүзеге асырылады. Санитарлық тазарту басқа сотталғандардан бөлек өткізіледі. Науқас сотталғандар медициналық көрсеткіштері бойынша жеке камераларға орналастырылады.

169. Айыптылық, тәртіптік изоляторларына орналастырылған, камералық үлгідегі үй-жайларға, жалғыз адамдық камераларға ауыстырылған сотталғандарға төсек-орын жабдықтары тек ұйқы уақытында ғана беріледі. Үй-жайдың шегінен тыс жерге шығарылған кезде оларға маусым бойынша к и і м д е р б е р і л е д і .

170. Айыптылық және тәртіптік изоляторларының камералық үлгідегі үй-жайлардағы кезекшілік кезек бойынша әрбір сотталғанға жүктеледі. Кезекшінің міндеттерін түзеу мекемесінің әкімшілігі белгілейді. Жалғыз адамдық камераны тазалауды онда ұсталушы адам жүзеге асырады.

171. Сотталғандарды дене мүшесін зақымдаумен және ауруын сылтауратумен байланысты емес себептер бойынша айыптылық және тәртіптік изоляторларынан , камералық үлгідегі үй-жайлардан, жалғыз адамдық камералардан емдеу-профилактикалық мекемесіне ауыстырылған жағдайда олардың қылмыстық-атқару жүйесінің емдеу-профилактикалық мекемесінде болу мерзімі жаза өткеру мерзіміне есептеледі.

172. Сотталғандарды айыптылық изоляторларынан, камералық үлгідегі үй-жайлардан және жеке адамға арналған камералардан, бұл медициналық көрсеткіштер бойынша немесе прокурордың талабы бойынша жүргізілген жағдайдан басқа кезде мерзімінен бұрын босатуға жол берілмейді. Тәртіптік изоляторларда ұсталушы сотталғандар бұдан басқа көтермелеу түрінде мерзімінен бұрын босатылуы мүмкін.

173. Сотталғандарды айыптылық изоляторларына қамағанда шаштарын " тақырлап" алып тастауы міндетті емес.

174. Айыптылық изоляторлардың үй-жайлары радионүктесі және бақылаушы шақыратын белгімен жабдықтануға тиісті.

175. Айыптылық изоляторларының терезелері 60x20 см. көлемінде болады, темір тормен күшейтіліп, жалюздер орнатылмайды, едені ағаш болады, оған үстел мен орындықтар нақты бекітіледі.

176. Түзеу мекемесінің бастығы жоқ кездегі төтенше жағдайларда, егер жасалған қылмыстың немесе режимді қасақана бұзудың жолын өзге шаралармен кесу мүмкін болмаса, сотталғандар колония бастығының кезекші көмекшісінің, тәрбие колонияларының және түрмелердің бастықтарының кезекші көмекшілерінің қаулылары бойынша түзеу колониясының бастығы келгенше, бірақ 24 сағаттан артық емес уақытқа қатаң режимдегі түзеу мекемесінің айыптылық және тәртіптік изоляторларына, жеке адамға арналған камераларға

орналастырылуы мүмкін. Мұндай оқшаулау тәртіптік жаза болып табылмайды.

3. Сотталғандарды қауіпсіз орынға ауыстыру

177. Басқа сотталғандардың немесе өзге адамдардың тарапынан сотталғанның жеке басының қауіпсіздігіне қатер төнген жағдайда, ол аталған мәселе бойынша өтініш жасаған сотталғанның жеке басының қауіпсіздігін қамтамасыз ету бойынша шұғыл шаралар қабылдауға міндетті түзеу мекемесінің кез келген лауазымды адамына ауызша немесе жазбаша өтініш жасауға құқылы.

178. Түзеу мекемесінің бастығы мұндай өтініштер бойынша не болмаса өзінің жеке бастамасы бойынша қауіпсіз орынға ауыстыру туралы шешім қабылдайды немесе сотталғанның жеке басының қауіпсіздігіне төнген қауіпті жою үшін өзге де шаралар қолданады.

179. Өзге үй-жайлардан басқа мұндай мақсатқа айыптылық, тәртіптік изоляторларының камералары, камералық үлгідегі үй-жайлар пайдалануы мүмкін.

180. Мұндай адамды түзеу мекемесі бастығының қаулысы бойынша 30 тәуліктен артық емес мерзімге, шұғыл жағдайда - колония бастығының кезекші көмекшісі бастық келгенше, бірақ 24 сағаттан аспайтын мерзімге қауіпсіз орынға ауыстырады.

181. Қажет болған жағдайда аталған түзеу мекемесінде заңның сақталуын қадағалауды жүзеге асырушы прокурордың келісімімен қауіпсіз орында ұстау мерзімі 30 тәулікке дейін ұзартылуы мүмкін. Сотталғанды қауіпсіз орынға, оның ішінде айыптылық, тәртіптік изоляторларына, камералық үлгідегі үй-жайларға ауыстыру көрсетілген негіз бойынша жаза болып табылмайды.

182. Осы Ереженің 26-параграфында қарастырылған шектеулер мұндай жағдайда аталған сотталғандарға қолданылмайды.

183. Сотталғанның жеке басының қауіпсіздігін қамтамасыз етуде жоғарыда тізбеленген шаралар нәтижесіз болса, түзеу мекемесінің бастығы оны белгіленген тәртіп бойынша басқа түзеу мекемесіне ауыстыру (сотталғанның жеке басына қауіп төндіруші адамды ауыстыру) туралы шешім қабылдайды.

Ережеге N 1 қосымша

Бас бостандығынан айыруға сотталғандардың сатуларына және пайдалануларына тыйым салынған заттардың, бұйымдардың, нәрселердің, құжаттардың және тамақ өнімдерінің

ТІЗБЕСІ

Азаматтық айналымнан алып қойылған заттар, бұйымдар мен нәрселер:
Атыс және суық қарулардың барлық түрлері.

Көлік құралдары.

Жарылғыш, уландырғыш және өртке қауіпті заттар.

Ақша, бағалы заттар, бағалы қағаздар.

Оптикалық құралдар.

Тәрбие колониялары мен түрмелерде қол және қалта сағаттары.

Жылытуды қажет ететін тамақ өнімдері (кофе мен шайдан басқа), ашытқы, қант.

Алкогольды ішімдіктердің барлық түрлері, сыра.

Әтір, иіс су және спирттік негіздегі өзге де бұйымдар.

Есірткілік және дәрілік заттар, медициналық мақсаттағы бұйымдар.

Жазу машинкалары, көбейту аппараттары.

Пышақтар, басқа да өткір кескіш және қадалатын заттар, оттықтар.

Балталар, балғалар және басқа құралдар.

Ойын карталары.

Фотоаппараттар, фотоматериалдар, химикаттар, бейне-кинокамералар,
б е й н е м а г н и т о ф о н д а р .

Кез-келген құжаттар (соттың үкімі мен ұйғарымы, ақшасын, заттарын, бағалы бұйымдарын сақтауға тапсырғаны туралы квитанцияларынан басқа).

Топографиялық карталар, компастар.

Өзіне тиесілі әскери және басқа нысанды киімдер, сондай-ақ белгіленбеген үлгідегі сырт киім, бас киімдер және аяқ киім (шәркейден басқа).

Түрлі-түсті қарындаштар, бояулар, көшіру қағаздары.

Ескертпе: Айрықша режимдегі колониялардың камералық үлгідегі үй-жайларында, жалғыз адамдық камераларында ұсталушы сотталғандарға, сондай-ақ түрмелердегі қатаң режимге ауыстырылғандарға шай сатып алуға және сақтауға рұқсат етілмейді.

Ережеге N 2 қосымша

Сотталғандарға өздерімен бірге ұстауға, посылкалармен, сәлемдемелермен, бандерольдермен алуға, ТМ дүкендерінен сатып алуға рұқсат етілетін заттар мен бұйымдардың

ТІЗБЕСІ

Темекі өнімдері, сіріңкелер.

Сотталғандар үшін белгіленген үлгідегі киім, бас киімдер, аяқ киім және төсек-орын жабдықтары.

І ш к и і м д е р (ж ы л ы ж әне ж а й).

Бет орамал, белдік, шұлық-ұйық бұйымдары, колготка, бес саусақты қолғап, қолғап, бөлме ішінде киетін тапочка, спорттық аяқ киім, жіп, мойын орағыш, с ү л г і .

Туалет жабдықтары (иіс, шаруашылық сабындары, тіс щеткасы, тіс ұнтағы, тіс п а с т а с ы , к р е м д е р , т а р а қ) .

Үш бұрышты орамал, рейтуз, белдік, бюстгальтер, дәке, гигиеналық пакет, шаш қыстырғыш, вазелин, мақта, су сабын, косметикалық бұйымдар (әйелдердің бетіне арналған).

Айна, электрлік не болмаса механикалық ұстара, қауіпсіз ұстара (бір рет қолданылатын).

Етік щеткасы және киімге арналған щетка, аяқ киім кремі.

Ыдыс-аяқтар, көзәйнек қабы, сабын және пластмассадан жасалған тіс щеткасы, кружка, қасық.

Картадан басқа стол ойындары.

Оқулық, оқушы дәптері, пошталық конверт, құттықтау хат, марка, жай қарандаш, автоқалам, сия мен қара, көк және сия түсті стерженьдер.

Әдебиет.

Фотокарточкалар, фотоальбомдар.

Спорттық костюмдер.

Заводта жасалған тұрмыстық электроқайнатқыштар.

Бағалы емес металлдардан жасалған денеге тағатын крестиктер және табынатын заттар.

Балдақ, ағаш қолтаяқ, протездер, мүгедектерге арналған арбалар (дәрігердің рұқсаты бойынша).

Бағалы емес металдан жасалған қол немесе қалта сағат (ТК және түрмелерден басқа).

Теледидарлық қабылдағыштар мен радиоқабылдағыштар
Ескертпе:

1. Көрсетілген тізбе ТМ дүкендерінде қамтамасыз етіледі.

2. Сотталғандарды басқа мекемеге ауыстыру кезінде өзімен бірге тек жеке заттарын, тамақ өнімдерін және олардың белгіленген тәртіппен сатып алған бірінші кезекте қажет заттарын алуға ғана рұқсат етіледі.

3. Сотталғанның өзімен бірге алуына болатын тамақ өнімдерінің, бірінші кезекте қажет заттардың, аяқ киімдердің, киімдердің және басқа өндірістік товарлардың мөлшерін жергілікті жағдайлар мен мүмкіндіктерге қарай мекеме бастығы анықтайды. Сотталғанға тиісті тамақ өнімдерінің, бірінші кезекте қажет

Ескертпе: Журнал екі бөлімнен тұрады, номерленген, бау өткізілген, мөрленген және түзеу мекемесі кеңсе қызметкерінің қол қоюымен расталған болуы тиіс.

Ережеге N 6 қосымша

Жеке есеп шотта _____ теңге Квит. N _____
оның ішінде ТМ-де тапқан табысы _____ теңге
Бухгалтер _____ Сотталған _____
_____ 200 _____ жыл.

Өтініш

Маған төмендегідей товарларды сатып алуға рұқсат етуіңізді сұраймын:

р/с	Товардың атауы	Саны	Босатылған сома
1	2	3	4
5			

Жиыны _____

(сотталғанның қолы)

Қолхат

_____ сомаға товар алдым.
(жазумен)

Осы соманы менің жеке есеп шотымнан шығаруды сұраймын.

(сотталғанның қолы)

200 жылғы _____

Ережеге N 7 қосымша

N _____ КУӘЛІК

19 _____ жылы, _____ туған, ҚР ҚК-ның _____

_____ бабы бойынша сотталған _____ берілді.

(сотталғанның тегі, аты, әкесінің аты)

Мерзімнің басталуы _____, мерзімнің аяқталуы _____,

(ҚР ҚАК 93 бабына сәйкес шығу негізін көрсету керек)

байланысты _____ тәулікке, оның _____ тәулігі жолға, оған түзеу мекемесінен (тергеу изоляторынан) ұзақ мерзімге, қысқа мерзімге (керегінің асты сызылсын)

(сотталғанның келетін жері)

шығуға рұқсат етілуіне орай берілді.

Ол 200 ____ жылғы _____

_____ мекен-жайдағы жазасын өтеп жүрген түзеу мекемесіне (тергеу изоляторына) _____ қайтуға міндетті.
(атауы)

телефон, телефакс _____

Фотосуретке _____ Мекеме бастығы _____
арналған _____ (тегі)

орын _____

(қолы)

200 ____ жылғы _____

Ішкі істер органы бастығының
сотталғанның келуі және кетуі

ж ө н і н д е г і б е л г і с і

(ТМ-нің елтаңбалы

мөріне арналған орын) Келді _____

(датасы, қолы, елтаңбалы мөр)

Кетті _____

(датасы, қолы, елтаңбалы мөр)

(сотталған қол
қоятын орын)

№ _____ КУӘЛІКТИҢ ТҮБІРШЕГІ

Түзеу мекемесі (тергеу изоляторы) бастығының 200 ____ жылғы _____
№ _____ бұйрығының негізінде
сотталғанға _____

(тегі, аты, әкесінің аты, туған жылы, ҚР ҚК-нің бабы,

мерзімі, мерзімінің басталуы және аяқталуы)

(ҚР ҚАК 93 бабына сәйкес шығу негізін көрсету керек)
байланысты ұзақтығы _____ тәулік, оның _____ тәулігі жолға, түзеу мекемесінен (тергеу изоляторынан) ұзақ мерзімге, қысқа мерзімге

(керегінің асты сызылсын)

(сотталғанның келетін жері)

шығуға рұқсат берілді.

Куәлік 200 _____ жылғы _____ берілді.

(сотталғанның қолы)

200 _____ жылғы _____ келді.

200 _____ жылғы _____ кетті.

Арнайы есепке алу бөлімінің бастығы _____

(тегі)

(қолы)

Ережеге N 8 қосымша

Мен, төменде қол қоюшы сотталған _____

(тегі, аты, әкесінің аты)

осы қолхатты қысқа (ұзақ) мерзімге түзеу мекемесінің (ТИ-ның) шегінен тыс жерге шығудың тәртібі маған түсіндірілгендігі жөнінде беремін.

Маған бас бостандығынан айыру түріндегі жазаны өтеуден жалтарғаным үшін ҚР ҚК-нің 359 бабы бойынша жауапқа тартылатыным ескертілді.

200 _____ жылғы _____

(сотталғанның қолы)

Қолхатты қайтарып алдым _____

(лауазымы, шені, тегі)

(қолы)

Ережеге N 9 қосымша

Сотталғандарды пайдалануға тыйым салынатын жұмыстар мен лауазымдардың

Т і з б е с і

Қылмыстық-атқару жүйесінің аумақтық органдарының басқармаларындағы, бөлімдеріндегі (қызметіндегі) барлық жұмыстар мен

лауазымдарға; ҚР ішкі істер министрлігі мен басқармаларының басқа құрылымдық бөлімшелеріне; штабтардың және басқа да құрылымдық бөлімшелердің (қызметтердің) мекемені күзетуді жүзеге асырушы жеке құрам орналасқан, қарулар, қызметтік құжаттар, арнаулы техникалық құралдар бар (сақтаулы) үй-жайларындағы барлық жұмыстар мен лауазымдарға.

Сотталғандардың бұдан басқа:

- техникалық күзет құралдарын, сондай-ақ ішкі тыйым салынған аймақта орналасқан инженерлік күзет құралдарына қызмет көрсету және жөндеу жөніндегі жұмыстарға;

- көбейту, радиотелеграф, телефон, телефакс техникаларымен;

- дәрі-дәрмектерді, жарылғыш, уландырғыш және улы заттарды есепке алумен, сақтаумен және берумен байланысты жұмыстарға;

- оларға ерікті жалданушы қызметкерлерді бағындырумен байланысты жұмыстар;

- жедел машина жүргізушілері ретінде;

- сатушы, бухгалтер-операционист, кассир, азық-түлік, зат, сондай-ақ күрделі және қымбат жабдықтары бар қойманың меңгерушісі ретінде жұмыс істеуге жол берілмейді.

Ережеге N 10 қосымша

Сотталғандарға кездесулер, телефонмен сөйлесулер, посылкалар, бандерольдер беру тәртібі және ұсталу жағдайы бойынша дүкеннен товар алудың тиістілік нормасы жөніндегі

Кесте

Қазақстан Республикасы	айына	жылына	жылына	жылына	жылына
Қылмыстық-атқару кодексі	Дүкен	кездесулер	телефонмен	посылкалар	бандерольдер
	сөйлесулер				
	ұзақ	қысқа			
	мер.	мер.			
	зімді	зімді			

дағдылы 4 айлық 4 4 4 6 6
е/көрс.

Жалпы жеңілде. 8 айлық 6 6 4 12 12
тілген е/көрс.

әбден жеңілдетілген шектеусіз

қатаң б/б а/о 2 2 ерекше 3 3
т/т-на жағд.

— дағдылы 3 айлық 3 3 4 4 4
е/көрс.

Қатаң жеңілде. 7 айлық 4 4 4 6 6
тілген е/көрс.

әбден жеңілдетілген шектеусіз

қатаң б/б а/о 1 2 ерекше 2 2
т/т-на жағд.

— дағдылы 2 айлық 2 2 4 3 3
е/көрс.

Айрықша жеңілде. 5 айлық 3 3 4 4 4
тілген е/көрс.

қатаң б/б а/о - 2 ерекше 1 1
т/т-на жағд.

— жалпы 3 айлық 2 2 4 2 2
е/көрс.

Түрме қатаң 1 айлық - 2 ерекше 1 1
е/көрс. жағд.

— дағдылы 5 айлық 2 6 4 8 8
е/көрс.

Тәрбие жеңілде. 10 айлық 4 12 4 12 12

коло. тілген е/көрс.

ниясы _____

— әбден жеңілдетілген шектеусіз

_____ катаң 2 айлық - 4 ерекше 4 4

е/көрс. жағд.

— Ескертпе: Хаттар шектеусіз жіберіледі, сотталғанның өтініші бойынша оларға түзеу мекемесіне келуі бойынша қосымша телефон сөйлесулеріне рұқсат берілуі мүмкін.

Айлық есептік көрсеткіш - е/көрс.

бас бостандығынан айыру орындарына тапқан табысы - б/б а/о т/т

ерекше жағдайларда - ерекше жағд.

Мамандар:

Омарбекова А.Т.

Багарова Ж.А.